

四庫全書

集部

欽定四庫全書

集部

東憲集卷二

詳校官庶吉士臣翁樹培

侍讀臣孫球履勘

謄錄監生臣張曾壇

欽定四庫全書

集部四

提要

東窓集十六卷

別集類三宋

臣等謹案東窓集十六卷宋張擴撰擴字彥實一字子微德興人宋史不為立傳江西通志載其崇寧中進士授國子監簿遷博士調處州工曹召為秘書省校書郎尋充館職南渡歷中書舍人當有所據也宋志載擴東窓集四

十卷又詩十卷而陳振孫書錄解題不著於錄則在宋末已不甚傳故元明以來談藝者罕相稱引惟永樂大典尚多錄其詩文其為中書舍人時所作制詞尤夥大抵溫麗繚密與汪藻可以聯驅謹採掇編緝釐為一十六卷其為秦檜追贈祖父及万俟卨兼侍讀諸制極詞諛頌紕繆殊深考王明清揮塵餘話稱擴為著作郎其兄秘書少監楚材新婚約

觀梅西湖擴賦詩有折歸忍負金蕉葉笑插  
新臨玉鏡臺之句秦檜見之大稱賞曰旦夕  
當以文字官相處遷擢左史再遷而掌外制  
是擴本因檜得進故假草制以貢媚其為人  
殊不足道然擴所交遊如朱翌曾慥呂本中  
徐俯皆一代勝流切劘有助故詞采清麗斐  
然可觀要亦未可盡沒也其中贈顧景繁詩  
龔明之中吳紀聞僅載有五十六字厲鶚宋

詩紀事遂引作絕句二首今檢閱舊文乃知  
為七言古詩二篇明之特節錄數語鶻蓋未  
覩斯集是以傳訛亦足云罕觀之笈矣乾隆  
四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

東窗集卷一

宋 張擴 撰

五言古詩

子溫姪用再聞誦新作突過黃初詩作十詩見  
遺軌勉強次韻

小人無遠謀湮沒如湛輩胸中氣奄奄垂盡鼓一再安  
知翰墨場李杜凜然在文章作甘棠百世負遺愛

退休小得計耳冷百不聞戎馬叵奈何四郊尚兵氛眼

中習主簿才似李將軍小試未為屈有君如華勳  
十年功名心客枕寄歸夢衆中不卓立老大復何用收  
身入禪寂蔬茹飽僧供蛙鳴誰官私聊欲當絃誦

大道昔彫喪夷塗日荒榛進無活國謀俯仰多由人  
生幾何時夜旦互相因往者不可作未妨來日新

國風久淪亡毛鄭紛六鑿譬如秋水篇破壞向與郭千  
年見淵明五字配前作誰傳古人訣定自顧方略

吾詩窘時窮章句羞拙訥君詩非吾偶齊大輕鄭忽雷



門不敢過西施忌唐突政當就阿戎談天搜理窟

贈篇最崛竒披讀輒三過巧如媧皇手五色補天破珍  
宜宗廟享淨戒兒女泥誰能續離騷且用追楚些

達人雲間鶴初不謀稻梁渠有酒百壺買舟從伯郎世  
間乳臭兒衣服誇玄黃豈識衛叔寶胷中無膏肓

躬耕良苦辛十畝手自鋤我窮分定耳矧復憐封胡君  
今未三十詩聲殿黃初後生要努力勿及几杖扶

連門水竹居照映麋鹿姿子戴靖節巾得我如遠師花

黃催重九羽葆雜金規未能沽酒飲且賦止酒詩

子溫縣丞姪長篇見贈并攜少卿伯父梅堂所  
賦絕句相示翰墨宛然嘆息久之因次其韻

平生張洪州豪氣壓羣士唾視狗鼠輩紛紛何足數晚  
登文石陛劔服峨樞具高論忍違時所愧罔君父至今  
家集中秩秩有倫次流傳到諸孫誰復步亦步此翁日  
已遠疇昔旦暮遇何溫少也爽芝蘭秀而紫狀貌類洪  
州談笑了萬事筆端見微銛妙解如削鑿精剛金百鍊

該貫龜五聚俗學不足詆紛綸或殊趣斯文懸諸天字  
字有分付詖詞頗亂真蕪類少刪去吾子壯且勇政在  
戒逸豫昨者忽過門短袖出長句軒然禰正平坐誦鸚  
鵡賦洞庭莽空濶終日奏咸濩初非郭林宗豈識黃叔  
度但驚錦囊文及此春秋富未能賞雌霓且復說竒字  
吾年過半百世事亦何慕杖屨相扶攜筋骸日僵仆猶  
於五字中彫刻歎氷柱習氣未易掃貪味如桂蠹肯借  
梅堂篇風流憶張緒珍藏幾何時應有神物護今晨偶

開展英彩照江阜後生要着鞭探討及微處遺予真過  
矣娟潔忌沾汗清夢渺春草俚談羞林杜慎勿索其餘  
恐君癡叔似

次韻大年姪見贈古詩二首

人生幾何時心地要平曠不須意外求辛苦尋筠醬此  
郎有高處智出百夫上禪窓接輿語眉宇春盎盎詩壇  
久失律齋戒欲謀將誰專筆陣功定起太公望

君文秋水篇曲士羞臆度吾文元尚白窮老甘寂寞向

來失宗盟士氣日卑弱後生苗未秀况復病草惡如君  
真挺特文字獸一角頭風吾何憂解后當勿藥

大年者年各賦長篇投名詩社中顧景蕃及伯  
初子温二姪傳誦喜甚子温有詩因次其韻

諸君總能詩字字秉忠信聯章輒驚人我老終不近朝  
來試披讀花雨亂巾衽獨慙草元迂浪說周易準至今  
覆瓿謗文字愧小謹昨觀兩雄篇詞采溢肝腎高參風  
雅淳俯謝邊幅窘誰能報穀役怒語激先軫吾軍老而

怯望敵倒戈盾會看兩猶子秋風橫鴈陣

蓬萊室

巨鼇戴浮水屹然瀛海中斷取入君手素葉懸鉞鋒君  
本山中人俗子那用逢猶應謁帝夢佩環搖天風

子溫作驅瘡詩伯初與顧景蕃皆屬和蕃以謂  
不當止酒初以謂宜鍊元氣予亦戲次其韻

小兒私化權令行錯窮冬淫瘍薄皴膚欲戰壘塊胸道  
人寢不平怒髮忽上衝饒夫猶收痂義士唯吮癰快無

僂爪爬濫有苦劑攻坐令費譏訶沾汗文字中虎頭筆  
有神衆妖避其鋒似聞以意醫請用三杯通阿兄言更  
深細述葆鍊功二說俱可人而子將何從酒醇儻消憂  
氣厚定保躬自然四體胖那復百病凶吾聞柳州語禍  
物人猶蟲旻蒼厭呻呼疴癢應汝容疾去會有時未為  
吾道窮汝自多識者吾言猶怱怱

送惠子澤工曹罷官還陝右

關西多名流後出亦豪俠三年佐幕府論事費口頰人

情易薰染久或化為怯不如穀黽去歸路馬蹠蹶雖無  
米千斛尚有書百篋吾曹官為家窮老漫隨牒南州美  
風土水淨山九疊子嘗訪之我行欲買舟揖我本江湖  
人妙處飽經涉誰能老作僉政恐夢為蝶

曾微言學士求賦所蓄端硯曾嘗避亂海陵家  
賢盡没于賊獨攜此硯脫去

君家文房珍尤者一二數端溪從誰得不記歲月古中  
窪隱天成外削餘雷斧色羞龍尾乾質陋雀臺厥平生



依石丈什襲費調護向來崔葦中險作百碎補脫身間  
道還神物遠侵侮他年沉香亭奉詔翻樂府周旋妃子  
手借潤毛與楮

次韻周嘉仲刑曹簡航師食筍四首

籜龍豢不得託根暫神奇忽化清淨供結緣貧道師回  
甘溢齒頰常帶泉石滋要知服食功不減瓊田芝

此君淡難交挺挺如立玉何意昆仍中為人償口腹羣  
嬰脫錦褕珍勝鸞項肉猶堪作味諫沒齒蠲腊毒

長鏡太寡恩，斲喪東南美。至今管城封，濫罰及孱子。例求一赦貸，餘潤乞松髓。周旋南董手，罵賊到盧杞。

周郎清而臞，菜把助嚴苦。槃中玉離離，醞釀冰雪語。向來幾時亡，徑欲就君補。請讀食笋篇，微言皆可咀。

謝元齡惠貓頭笋，予去春曾同元齡伯初昆仲  
子公顧景蕃經行林間掘笋以歸，子公刻名竹  
上也。

狸奴戴頭來，本是籜龍種。長鏡借願力，撓汝入珍供。晨

庖辱分甘輒應食指動令人懷舊游春服粲羣從竹間  
留名字小刻妙南董

送次公姪從辟顏拱衛軍中

結髮事師友投身翰墨場技成忽棄去短衣親戎行平  
生萬卷書豈無活國方不如口擊賊對面用所長顏侯  
將家種勇過王鐵槍螭弧每先登裂袂裏箭創得君如  
敵國乳臭未易當中原干戈滿豨虎政陸梁誰專發縱  
策坐待錐脫囊事平各分功千級歎莫償位卑君勿言

儒雅故自將會從  
謙籍中微見奏凱章

短句調子温姪

阿丞善談詩眼如九方臯  
相馬空馬羣妙在遺骨毛衰  
老鑽不入鈍愚如素膏  
後生不應爾筆力生波濤  
黃絹幼婦語莫負秋風高

與客手談坐久廢食  
瘡子忽作病退家人相勸  
從此却枰因為數語以自解  
甚似劉伯倫斷酒  
文也昔孟嘉嗜酒或曰酒有何好而卿嗜之嘉

曰公未得酒中趣爾子於弈碁亦云

碁亦有何好味如酒中天勝處要自知豈為醒者傳吾  
身等芭蕉幻質非真堅儻無輕舉訣未免憂患纏願從  
爛柯叟時作坐隱僊人生幾兩屐不媿阮孚賢

詩社近日稍稍復振而顧子美堅壁既久伯初  
以詩致師請于老僕無語但乞解嚴爾

宣城詩不多警句向憶江練至今一斑在時許管中見顧  
後更難窺機鋒捷于電欲求換骨訣如仰射空箭近逃

滑稽嘲不著毛穎傳深藏品題手舉市謝葵扇我知老  
成人別得妙方便要留一轉語準備奔北殿後生古如  
銛酬答了忘倦不須遠乞兵唾手當八面小人智謀短  
敢倚筋力健請馳班師檄白罷兩河戰

盛暑得竹簟甚精戲為之賦

南山小籜龍離立身蒼蒼舊任管城子脫帽棲文房詩  
書每誤身或得敗塚殃冷鳩稍知音與致雛鳳凰人云  
不如肉笨伯豈我當何如碎其身織翠供文章舒卷得

自試作配六尺床主人冰玉潔風味如潘郎奉身無長  
物却暑有竒方空庭貯明月皎皎夜未央卧看河漢移  
使我侵肌涼床間老夫人面冷如嚴霜相與有瓜葛未  
用或參商孤高自可守炎熱安得長君看白羽扇秋後  
徒悲傷

次韻顧景蕃和倪表師避諂軒詩

大倪昔遭讒中路駭車覆今人刺舌戒默坐喘空谷小  
倪不類渠先見妙著卜閉門自澡雪巧舌欲誰讎顧侯

以詩來披咏輒三復後生真可畏我亦慕前躅謗書空  
滿篋底用展終幅逢人但稱好莫問甲煎俗

汴中追寄呂居仁學士

頻年如隔生相見各潦倒不聞語咕咕但怪別草草故  
人俄老矣零落秋葉掃往者蘓韓輩人品豈不好時危  
頗賴渠悅憤塵一窖五湖在何許狼籍付鷗鳥春風掠  
湖尾蓴絲日夜老我行望吳越尚及身檢校請分十頃  
餘遲子洗鞞帽



次韻出郊

枝頭見春風恍覺光景逼人  
生謾拘攣且作半日適荒  
郊晴亦好當費幾兩屐  
會有遮我留田家甕瓮積

宿山寺詩

羸馬不受鞭倦僕足生繭  
茫然山徑間馳急路逾遠  
古寺翳林薄投宿日昏晚  
夢魔不可眠青燈照愁眼

臘前五日立春天氣極暄妍  
今復雨雹凜凜不休  
休所居梅花方盛開  
一雨零落殆盡悵然為賦

此詩

東風破殘臘吹盡五日寒晴光下楊柳弄影鬪鳴欄錦  
鱗觸輕冰碎玉已珊珊日夜望鮮榮發我砌下蘭寒去  
仍復來崛起作跳丸爛漫江梅花孤芳忽飄殘落跗不  
可綴香雪空闌干賴有青春心養此商羹酸

遊天台山石橋

亂山雲溟濛修徑石盤錯聲聞住世果窟宅遍巖壑我  
行適遇雨風籟響天樂石橋定鬼設險滑不容脚臨流

輒生怖政墮葱韭惡猶欣曇華供尚及薦杯勺分嘗不  
敢餘稽首謝發藥

元齡招飲未果赴復以詩見促輒次其韻并呈

景蕃

主人劇風味玉壺涵春冰惡客費招呼詩來委弓旌兩  
季復可人名應處士星請從狗竇窺敢辱蒲輪迎我昨  
占食指似當嘗龜羹平日口腹累老窮尚蠅營百花曉  
無跡良辰况難并虎頭政病酒渴肺憐江清未知幾百

蓋澆腸訶雷鳴歸時戒被肘會見金盆傾

題龔士掾廳壁畫遠山

并序

吾友彥承氣直而勇真有用於世者林公甫  
呂居仁諸公相率賦畫壁之什因以勉之

古來終南山引手得佳處未負移文慙已遭捷徑語公  
真樂山者爽氣落眉宇平生手中板不暇著頰挂叩門  
無俗客何礙入官府人生一縷氣所愧吞不吐畫山猶  
畫餅餘習近兒女勿學好事人吾言當有取

遊虎丘寺詩

官舟轉城隅十里虎丘路招提占山頂像設儼廊廡池  
深歸寶劔石老化蹲虎晉時生法師談辯阿佛祖至今  
講經地往往拾花雨我行及搖落秋色侵杖屨衲僧施  
淨供汲井薦牛乳平臺俯曠野擺極莽四顧累累多新  
塚不見真娘墓

次韻趙悅中防禦喜雪

天南霜力微不洗瘴地暖窮冬雪一尺坐受坑谷滿夢

聞浙瀝聲驚起欲窺管敢倚狐貉溫但愁衣帶緩王孫  
雪爭妍耿耿抱丹款閉門不知寒高卧腹自坦紙窻飛  
花集亂撲書檠短不憂詩作魔政藉酒為伴忽枉郢人  
曲懸知和者罕猶餘雪清甘味勝茶七椀

君山

亂山如羣羊合沓千里犇君山屹當前盤踞老虎蹲巨  
鎮壓坤維層巔沒雲屯下瞰大溪流千尺清不渾舟人  
落風帆挽絳繫山根欲上看星斗懸崖那可捫

奉和朱新仲祠部六月晦日省宿用白樂天詩  
無波古井水有節秋竹竿十字為韻

漫郎省中宿展轉良夜徂過雨忽催詩君詩不可無夜  
闌風轉高秋聲倒江湖前對百尺井夢中聞轆轤

六月忽已晦餘月復幾何  
紉扇暫去手篔簹紋欲生波詰  
朝天門開冠劍爭巍我  
駑馬策不入獐劣如騎驟

街鼓肅市喧爐薰起煙縷  
掩關一繩床坐穩得處所  
風前數莖竹偃蹇不受暑  
初無兒女姿氣貌頗高古

我乃抱俗人老蛙窺坎井從君已再暑造席謾三請倒  
床輒雷鳴便腹費嘲哂君豈錄我者曾次涵萬頃

玉壺貯層冰憐子清徹底對之三伏中愧我汗如水謬  
呼同舍郎坐席更論齒從今痛自戒子出則我止

昨者東觀游歲月未覺久對床屢忘形持論相可否君  
年雖減我文字稱祭酒十篇亦奇偉乞我未曾有

陰陽無停機百物競時節燠寒更事爾氣至自融結炎  
天勿怨嗟歲晏見霜雪此時衣褐單但恨不得熱



俎豆能折衝儒冠或堯鰲六月早奏功豈待防高秋俗  
士懷晏安所至賈人留襟被應自疏未知幾宜休

疾風掃蚊雷勢力如破竹青奴冷侵肌此乃我所欲周  
旋蝸舍中未用歎跼伏亦莫問馬曹微文禁離局

祠曹秉史筆翰墨窺金鑿燈火漸可親蠹葉字未漫玉  
殿行奏書秋暉上旌竿君文永有託九廟方如盤

送向履方吏部提刑浙西

君曾仗使節惠浹東吳民豈無賢大夫平反孰與君省

戶昔卽潛渴見老成人賜還席未煖被遣日已新瘡痕  
要撫摩秋茶傷吾仁掾吏熟官長定不專惠文

履方舊以省卽

為本路憲

括蒼官舍夏日雜書五首

南方饒鬱蒸頗厭夏日永好風從南來分我簟枕冷官  
曹早歸休客禮疎造請讀書無近功睡魔印湯餅誰家  
烹茶急羸餅斷脩綆

昨日猶苦雨高簷如懸麻今朝陰雲開閃閃見日花孤

城如斗大籬落無千家共迫口腹營不如市井譁日暮  
計錐刀辛苦良可嗟吾儕豈達者亦是螭憐蛇

富者餘金玉所畏盜賊攻貧人迫饑寒無奈四壁窮我  
令仰官給政在貧富中雖無兩者憂歸興忽已濃同僚  
相掩覆幸此東郭蹤獨念素餐者幽暗弗汝容

狴犴深局鏑符驗劇關防老胥蛇蝮心抱案鳧鷖行我  
無平反手補剗救闕傷但知三尺律絲髮不可攘便文  
真得計所愧漢于張

說詩如說禪妙處要懸解無人具眼目曾臆空壘塊吾  
友呂居仁句法入三昧向者五言城精密逼前輩教我  
深耕鋤歲晚識稊稗三年苦未領慚愧朋友戒

庭前兩鳴鵲

庭前兩鳴鵲聲好色亦美曾陪織女駕或是竇家子誰  
云屋上烏可厭不可邇烏能逐人好鵲竟誤君喜烏鵲  
莫愛憎鷄蟲任生死

讀試卷有感

巧語互一律紛然如鈇鋒揮筆餘萬言積案成千重誰  
令繆悠子持衡居其中兩目病且昏不辨牛馬蹤而使  
視試文豈能分雌雄往時心力彊眼明耳猶聰本欲藉  
科舉脫此文字攻一朝反自縛身隨蠹書蟲負郭有田  
園猶存荒菊叢頻年秔稻熟酒賤尊不空胡不駕柴車  
遠揖陶令風作詩請伯氏林下相追從

送王賓察院提點成都府路刑獄

三峽占地嶮風濤漲高秋君還席未穩忽理上水舟潭

潭御史府登用第一流持斧亦間遣平反要分憂岷峨  
接家山民瘼不待求身從日邊來彈壓西南州風煙亂  
老眼轉覺詩語道平生補衮心敢為衣錦留賦歸摩刀  
環趣覲瞻前旒會收巖壑姿入綴鸛鷺游誰云蜀道遠  
笑却萬里愁灑灑漫如馬莫作忠臣羞

送韓存中侍郎赴隨州

昔時公卿門一飯日三吐末流士自棄此道久如土韓  
公昌黎裔樂善從其祖低頭拜東野舉頸望杜甫今年

河陽歸坐穩得處所開關逢俗人却走唾腐鼠禪房大

如掌僅著范蘇呂

范信中蘇叔寬呂居仁

小人江湖散賦性甚愚

魯青衫插手板舌卷紙上語曾從諸公遊過聽謬見許

嘗聞公姓名桓桓貌與虎

公嘗奉使契丹頗見畏重

乞身雖及早朝

論久未與昨日恩詔下還分一麾去風霜侵行李笳角

嚴曉鼓漢東諸侯國文物畧近古下車訪諸生往往得

何武莫空罇前酒豈乏戶外屢應還二三子雪擁一環

堵詩成欲相寄黃鵠短翎羽阿連儻可借千里亦跬步

其弟秉則侍行諸人尤  
惜其去故末章及之

送胡德輝禮部知嚴州先還毗陵待闕

識君大梁城才逸驥千里相從十年後志節老彌厲石  
渠浩圖史萬事問伯始為郎初未伸請郡聊自試連朝  
風雨惡春日尚餘幾故山窻戶接卮酒庭闈喜離別不  
足云得詩倘頻寄

送邵公濟校書守果州分韻得歌字

人物妙伊洛衣冠肩上摩君門世所高家學承丘軻斯



文晚付君自信保不磨平生眼中書五車未為多一字  
不借力虛名空作魔我數奉談麈老頑君弗訶持酒欲  
挽君酒盡如君何百丈沂巴峽脩途接岷峨新句探古  
錦好風散沉疴先君果山政惠愛如春和向來窺一斑  
再至鬢已皤會尋竹馬盟為續襦袴歌

周秀實監丞聞嘉禾兵亂請急歸唁其親朋還  
朝有作因次其韻

羽書劇紛綸將士媿庸懦誰扶中興舉康濟湏十亂周

郎人中傑表表蒼栢幹向來圍城厄夢想音信斷瞻敬  
會有時神明恍還觀他年銓衡手抗論清月旦勿為俗  
人言鐘鼓驚斥鷃

次韻伯初春日村居

君新御祥琴哀調寫苦塊夕衣愴純素忍復向綵纈春  
風苦撩人浪信剪刀碎試尋桃李枝紅白已平配嗟予  
老亡聊屋角委冠珮出門如鬼繫久不歷闌闌憐君佛  
屋底喜客妙占對家田半收秫掀簸出春碓不妨釀春

酒莫及春事退要觀空洞腹容我數百輩

--	--	--	--	--	--	--	--	--

欽定四庫全書

東窻集卷二

宋 張擴 撰

七言古詩

次韻方仲運使兄遊允仲花園即事

園中主人老書生結髮入仕今辭榮自培花柳趁時節  
客來時亦倒屣迎江西使者歸更早功名夙戒良狗烹  
今晨相遇及閒暇短榻分坐如意橫竹間細路元屈曲  
雪後諸峯自分明豈無麗人奉巾櫛瓊枝照眼生光晶

新蔬無價手自擷濁酒有功面微頰似聞野燒出奇觀  
風中烈焰若化城湏臾變滅了無迹何獨世事遭紛更  
逢場作戲達者事感物入詠詩人情來篇況是冰雪語  
三復使人毛骨輕欲續短章却袖手偏師莫犯細柳營

建炎辛亥八月二十六日夜夢艤舟江岸與梅

和勝論詩梅出古詩示予極壯麗復為予作湯  
餅方就席視梅手中器已十裂湯餅淋漓覺而  
悵然作此篇

青燈吐吞幃幔間竹風吹衾夢初圓故人頸血化秋碧  
詩語尚作春花妍平生酒炙飽澆潑湯餅那用相周旋  
即今彊敵要電掃四海銜憤聲徹天乞靈上帝真易耳  
底事未忘章句傳

題長沙王祠

霸上真人赤龍子西滅彊秦東破楚一時佐命皆人豪  
崛起屠沽拔行伍番君舊德江湖情不用智勇收功名  
抑然退讓古君子坐視几俎登韓彭漢家南面屬同姓

公亦疏封奉朝請至今遺愛祀鄉人不獨當年書甲令  
雙椿堂牡丹盛開彥紳節推弟置酒集客子溫  
不在席中以詩乞花歸賞因次其韻

春風不悞東君委杏苑桃蹊滿行李春風好處總未忙  
姚花初黃魏花紫洛陽園中枝梗肥歌壓帽簷如覆巵  
南遷終覺典刑在不數侍女誇時宜詩中了了惜花意  
苦覓繁枝定誰寄何如秉燭坐花傍照到夜分從墮淚  
子溫用前韻催彥紳賞牡丹未及開罇請再作



詩促之

後園冠蓋如雲委坐客其誰數程李吾家小謝自風流  
薄羅新染香囊紫老翁看花心已疲數負十分金屈卮  
君今年妙言語便愛酒惜花諸事宜春光不為主人計  
行色匆匆慙如寄欲借珠璣一再酬恐君泣盡鮫人淚

次韻何任叟正字館中試茶

金拌猥稱檳榔珍藿食未辨汙吾脣茶丁妙寫犀銜真  
排方似欲驕華紳為君走碾颺微塵羊腸聲乾行隻輪

拓羅裁絹素縷勻  
笏絲巧織霜後筠  
中貯刀圭護百神  
乳花初幻人間春  
計君別品尚絕倫  
完璧不受敵國嗔  
白虹夜氣千秋旻  
把玩自覺舌生津  
天衢小草搜八垠  
蒙山顧渚亦懷新  
香歇色壞非法身  
妖星森索避北辰  
不須會稗權羣臣  
龍翔鳳翥登巖宸  
向來策勳自有人  
君其問諸脩水濱

伯初姪謁客道傍叢竹間見梅花盛開村人不  
知賞嗟惜賦詩因次韻

少年眼似春冰滑風味最于花曲折衝泥訪客竹邊過  
邂逅寒梅照踈節不應誤落野人手自賦新詩為昭雪  
坐憐窮臘太嚴苦萬木如僵生意絕零丁老拚獨回暖  
似借餘波霑涸轍今君把玩不忍去吹面朔風皴欲裂  
還家笑我病墮屨茅屋千窻牆百穴自言親到玉妃館  
縞練分行洗紋纈詩成不費鑪錘功君看錚錚句成鐵

用伯初韻再和一篇請子溫戶曹同賦

孤山山下苔痕滑翠竹扶踈水方折靚粧無數招不應

曾與先生護名節即今湖上荆棘滿誰見穿林度飛雪  
道傍數本忽照眼所喜風流未中絕不嫌青女暫試粉  
却要風師小回轍君看萬點已可憐半雜春泥封地裂  
版曹平生詩作史坐陋故人探禹穴惜花未忍任零落  
借酒生春面如纈酒醒定作返魂章筆底有丹工點鐵

再次韻簡子溫

子詩久媿溪藤滑佩服君詩生螿折君詩盤錯見梅詩  
似借梅花作根節梅花元非世間種雪裏開花白於雪

平生和靖最知音誰是鸞膠續絃絕苦吟似君良有以  
我復何為怒當轍定知孤艷訴不平曉來衰笳噴窻裂  
明朝百鶴豈不好得魚縱珍非丙穴春風晚賜挑杏寵  
琥珀調膏誤成纈寒英謝去亦機警且稟嚴冬令如鐵  
顧景蕃訪大年姪昆仲留宿細柳軒夜論詩律  
輒及老朽大年作長篇調景蕃末章見稱過實  
且欲盡借拙詩因次其韻為謝

平生不依南路徐斗升寄活真魚濡了知浮名誰得喪

定自有數相乘除竭來雲卧澗壑底槁項不減霜松膠  
里中能詩二三友安步過我無庸車要須文字賞雌霓  
未暇詆讒翻媿隅談天坐聽落鏹屑蹇步那敢爭先驅  
顧侯風味更巖苦家貧闕辦三韭菹龜腸撐突五千卷  
底用會稗箋蟲魚文如楚賓醉後藁下筆應得銀盆糝  
近聞畫犯細柳壁酒闌罷歌却驪駒未妨仲子工料理  
珠緋餞歸懷不虛想當展緘疾讀時新飈策策驚蘧蔭  
主人韻高絕少可客亦未易折簡呼末章字字關老朽

愛我如愛屋上烏吾家兄弟俱人傑飽聞石氏多珊瑚  
莫云癡叔良不癡久諱筆硯陪樵蘇諸郎曾中氣吐霧  
咳唾自可回春枯少年得譽似勵勃他日不愧先楊盧  
儻見惡詩幸掩覆人所罵譏鬼揶揄

大年之兄元齡其  
季者年皆好學善

屬文  
云

大年復用前韻賦詩見贈亦次韻答之

燭龍停邊天步徐酒薄肉乾唇不濡漫郎憐我困蒸溽  
為送古風專掃除山頭逢君日乍午作詩瘦似僊人臞

展緘初疑走甘露熟讀政似鏘鸞車世間癡兒浪搖叻  
談空說有天一隅我今冥頑老不入十年此路空馳驅  
邇來病廢關藥裏枵腹日厭葵菽菹窻間敗毫積霜竒  
架上蠹帙繁書魚錢神無耳未易使斗宿不靈那可軒  
誰門有士料理得隨地駟駿吾家駒三珠連樹價亡敵  
一鶚掣韝名不虛近聞掃徑避袪暑竹杖青鞋一蘆篠  
枕中邯鄲夢不到戶外孔賓渠自呼讀書瀾翻惜晝短  
幾欲挽斷三足烏鼎來說詩劇有味令我坐享商之瑚



斯文所喜未中絕五字復見李與蘇遺音當從牛鐸證  
廢律安取焦桐枯亦知大國功九合一時盟會收微盧  
願持狗尾彊貂續未妨舉手遭抑掄

次韻莫養正縣丞獨游錢塘南北山

老丞拄笏中了了坐閱雲陰變昏曉何為兩脚苦未停  
意在高山知者少昨日春從湖上歸頗覺沙鷗已馴擾  
遊人但遲簫鼓來滓穢清虛亦何好君今獨行真得計  
自有青螺如髻繞歸來古錦開詩葩筆下縱橫發天巧

遨頭舊屬羅浮伯，半夜春風鳴騷裏。至今湖山索價高，  
妙語須君時一掃。雖然願君且努力，掛冠歸休未宜早。  
要當千戶享封殖，豈但全家荷溫飽。此時還鄉頭未白，  
萬錢買山慰潦倒。摩挲拄杖不相忘，更伴重巒細窮討。

讀錢神論偶成

并引

昔魯褒論錢神，蓋嫉時而為之。政如太史遷  
為貨殖作傳，豈無意哉？予竊隘之以謂世間  
貧富如人壽夭，委運而已。則胷中未有不釋。

然者故即是意而賦詩欲以自廣豈未能免

俗耶

君不見王衍談天喙三尺繞床阿堵初未識又不見阿  
戎自執紅牙籌聚錢成癖老不休人生嗜好各殊趣盜  
跖孔丘更毀譽不如是非兩置之萬事欣然隨所遇貴  
人見錢地上流富人錢妖聲如牛醉時雖悟落情語客  
至或忘障簾羞謾誇無耳可使鬼劉濞鄧通皆過計崔  
烈得名未掩臭陳萇小黠強稱美我今家徒立四壁憐

渠一箇也不得不願腰纏十萬上揚州安用呼盧百萬  
供一擲但要時逢好事人恰有青銅滿三百

次韻富季申著作對雪

瓮中凍蟻欲浮白主人醉呼嗔惡客到床不省雪作魔  
半夜扶頭驚曉色因風初愛橫斜好侵戶更憐飄洒密  
為梅洗粧却鈿粉與竹護萌封繭栗瀛州有士漫為郎  
要看諸郎上槐棘不妨病骨倚故絮且忍饑腸待新麥  
君今筆陣獨橫掃冷屋無人夜鳴鏑快雪快晴吾弗憂

君詩自有回天力

過龍井辯才退居

南山北山天接連  
西湖環山水涵天  
佛宮鱗鱗割人境  
勝日杖履相周旋  
久聞龍井未得到  
神龍卧靳俗語喧  
脫身干戈偶不死  
步屨十里沙石堅  
眼明見此屋突兀  
修廊廣殿鐘鼓傳  
笋芽供羹坐取飽  
茶乳沃舌聽談禪  
塔中老人呼不起  
至今牆壁尚熾然  
諸孫其誰嗣衣鉢  
但見持律俱精專  
吾身誤落世纓網  
白髮未解憂患纏

問龍乞地一席許作庵共結香火緣

題子溫姪舫齋

江湖著身鷗作鄰平生踏浪不踏塵  
晚從闌闌寄行李旋飾舫齋聊寫真  
夜闌闕月雲頭湧風月填窻不成夢  
團欒十口似浮家顛倒一生如破冢  
君看世事風打頭奔濤濺浪何時休  
不如問錢多買酒萬斛與君共拍浮

謝人惠團茶

春陰養芽鍼鋒銚沆瀣養膏冰雪香  
玉斧運風寶月滿

密雲候雨蒼龍翔惠山寒泉第二品定武烏甕紅錦囊  
乳花元屬三昧手竹齋自試魚眼湯老生酸寒極堪笑  
藜莧拄腹書撐腸修貢之餘遠分寄懷壁其罪渠敢當  
應憐晝睡湯餅惡為洗一春蝴蝶狂

謝人送炭

竈煙茶毗霜後林短椽脫煙烏不黔稚童豈惜龜兩手  
入市論價輕千金向來幾作溝中斷漫滅青黃誰過眼  
馬知負荷鑪錘功煨燼猶堪借餘暖夜闌吼空風力豪

平明雪山平屋高生柴帶葉冷不斲毀車充薪車脚勞  
故人十縛起衰朽生遣寒灰撥紅獸解衣挾纊不足云  
那復區區論炙手

秋意

涼颼吹樹砧聲急窻戶玲瓏秋氣入井桐彫葉減清陰  
溽露無聲金荻泣壁間唧唧候蟲鳴庭下衰蘭送客情  
客懷無金酒膽薄朗月入簾魂魄驚人生意萬事今猶昔  
不獨炎涼天地隔平明把鏡照衰顏還有新霜助狼籍



景蕃還所借詩卷并辱以詩輒次韻

詩家難傳最上路汝南雪令排鹽絮至今白戰亡此手  
我欲重參愧遲暮虎頭文字逼前輩袞袞屢蒙分尺素  
天閑老驥日千里何用鹽車追寒步向來擊賞楓落句  
見不及聞君已誤報之錯刀竟坐癡他日塵昏磨不去

景蕃復和再次韻

詩壇乳臭妨賢路寄食將軍慚漂絮君今自築五言城  
坐遣降俘嘆來暮從來白俗不入眼并案閨房累蠶素

公新遣愛姬故云也

連篇贈我剎那頃更陋建安誇七步珍藏敢

比飛鳥章字脫無人正訛誤為君傳寫不得辭政恐終

隨雷電去

過南美軒讀汪彥章倪巨濟詩用壁間韻

筇杖芒鞋野性馴偶尋幽步到祇園琅玕干本日應長  
弄影搖風清蔭繁未堪截管變律呂且乞汗青傳子孫  
壁間舊有故人題妙語洒落今仍存那憂積雪折老幹  
豫借暖律生枯根我來二子更南北惟有此君堪與言

允中大夫兄召客賞海棠屬予賦詩

枝頭桃李半狼籍浪說春風借顏色海棠斬新一樣紅  
錦絲欲墮嬌無力主人連日被渠惱無處分疏更招客  
重羅作幕裙作圍麗人行酒客賦詩挽定春光不得放  
忍看落紅零亂時

次韻大年見貽長篇

莫誇兒啼賞英物莫振豺聲露蠹目一朝官府生平地  
即是高明鬼瞰屋夜郎窮囚罪瀕死頗費故人解官贖

世間萬事真戲耳變化何殊臂伸縮漫郎紛華老不入  
坐掃降魔如破竹曾從處士學礪齒安用貴人強推轂  
夜蒙衲被生春溫午饌伊蒲飽園蔌綺羅曳地初不知  
海陸窮珍定何族自云百念已灰冷栩栩胡為晝搖腹  
似聞蟻穴得侯封不借波臣譏斗粟何妨枯骨話王樂  
政恐三彭加譴督夢回敢起尋鹿想謝去已深防蠱毒  
危幾何處烹五鼎佳傳誰人米千斛朱軒雖享眼界榮  
青史那逃身後戮聊陪洗馬瘠煙霞自逐天隨甘枸菊

雖然丈夫有出處尺蠖之伸未為曲他年弓旌恐不免  
釣渭築巖終夢卜會看鵬翼擊天池更想於菟嘯風谷  
此時願君益機警墮甌欣然了榮辱脫身蟬冕歸去來  
吳市空關隱梅福却伴山中赤松遊儻見海上蟠桃熟  
吾言有徵勿浪云龜筮亦從神所告

酒官張君造麴以十八仙為名作詩戲之

舊聞飲中有八仙日多鐺杓相周旋今之十八豈其裔  
何為復效枕麴眠癡人但作從事呼妄起清濁分聖賢

那知風味古無有名字真從天上傳  
留侯舊與赤松游  
餘韻到今千百年看君風骨頗似祖  
日酌九醞追天全  
我嗟譜系漫難考流落恐緣濡髮顛  
窮愁政在禁酒國  
未免口角生饒涎出門欲作一斗計  
誰乞三百青銅錢

文之顧景蕃登子温舫齋不遇拈韻賦詩予亦  
和之

漫郎不省塵中走湖海收舟淨無垢  
規摹畫舫作齋館  
似要窻間過山坳平生張緒本豪放  
人物風流記官柳

不應蓬底了生涯定是寓言猶十九顧侯自說虎頭孫  
黠不論功癡已久入門浪喜布帆在興盡中流漫回首  
更將險語困嘲謔詩膽故應大如斗我窮政似老侯喜  
持竿覓魚不供口愛君馬上醉眼花萬斛龍驤落盃酒  
未須腰笏煩易于且熟他年濟川手

送顧景蕃暨還浙西

牆頭飛花如雪委牆根老柳絲垂地春政濃時君不留  
山路曉風鳴馬筮濤江入眼浪千尺想見吳儂問行李

田園久荒漫檢校親舊相逢半悲喜行朝諸公訪人材  
故人新賜尚書履袖中有策可則陳君亦因行聊爾耳

次韻大年當暑午枕

道人曾得却暑方烈日卓午心清涼書齋長物復何有  
含風竹簟八尺長睡魔久困世喧闕乍入寂境如還鄉  
嗜茶嘗膽汝藥石煮餅炊飯吾津梁古來至人具法眼  
淨穢天女猶皮囊坐禪入定了十劫睡蛇有口難螫傷  
要當尋師漸磨洗想子已聚三月糧



古律詩戲簡汪彥章學士

湖邊樂色喧絲管湖上春風桃李晚使君招客試行樂  
粉面如花照金盞知君好事已數往想見清陰集飛繖  
傾家共尋一日勝得醉寧論萬金產誰憐有客扃戶牖  
坐抱窮腸讀書嬾登樓追望不堪東一片飛虹掛愁眼

清微軒詩

君不見楚王宮中多詛臣雌雄之說徒紛紛大空橐籥  
本平施安有煩冤愁庶人又不見若耶溪上帆如駛朝

南暮北隨人意，令行由天不由人。豈為舟人採薪計，君  
今面山開兩扉，恬養不為居所移。方床曲几淨無暑，有  
聲南來清且微。清似太虛無滓穢，微如少女生妍媚。軒  
中稚竹亦粲然，快與主人便晝睡。不須驟吹六律管，不  
用緩鼓五絃琴。會當月夜君家去，却扇扶座開煩襟。

謝范信中鈴轄惠笋炙

野人敗壁屋數椽，枯腸如龜復如蟬。未憂飽死笑方朔，  
且要臞形追列僊。故園千本籜龍兒，輕雷殷戶爭蜿蜒。

凍泥封根手自斲一箸可當百味鮮  
竭來曹南風土惡  
糞飯酸嘔羊酪羶  
君家何從得此品  
新馥惠我驚饒涎  
便當過門乞餘炙  
未信羹釜聲輟然

伯寓給事築漫吾亭却寄

僕久不見伯寓乃作  
數語問之詩不足道

也

漫郎昔為補袞客  
面如嚴霜心如石  
手披逆鱗不作難  
肯為俗人借顏色  
十年收身渺江湖  
胷中了然一事無  
焚香默坐已忘我  
酌酒賦詩聊漫吾  
秋風藕花開十丈

新築危亭枕其上客來口噤不得語晚節自愛恐招謗  
別君懞恍不記年笈中諫紙尚幾番笈箬寄隱亦暫耳  
漫乎漫乎誰謂然

新安程昭文秀才惠子鵝菱角乳梨并鮑清筆  
新安故人哀我貧尺素自書五朶雲為憐劉毅遺鵝多  
烹食豈慚王右軍烏淩脫水銃芒角乳梨包裹釘座珍  
燒腸饑火得暫溫竊食竈鬼嗟不仁來書習氣徑未掃  
十枝尚遣中書君急須整駕詣齋閣滿請尊酒重論文

次韻曾端伯戶部初春遣興

春風入手幾番雨醞釀春愁推不去琳館道人初未忙  
被底掀髯聽粥鼓那知春色到桃溪千樹開花人掩扉  
路傍垂柳已如許青眼招春春不違曉來東郊信兩脚  
折屐衝泥尚供著枝間啼鳥勸提壺君省此聲何處惡  
平生廣平心石堅未暇徐庾誇清妍句中試下一轉語  
突過翰林詩百篇龍鍾似我豈宜說不獨詩窮官亦拙  
向來一錯鑄不成底用辛勤六州鐵

老白堂

君不見三朝魏公拓天手旌節言歸介眉壽築堂自榜  
醉白名自借清風洗塵垢又不見峨眉山中謫仙人玉  
堂詞翰生風雲每評香山輒自喜欲向集賢重寫真古  
人名懸日杲杲千載貽人不貪寶君今誦味佚老句乞  
身投閒不待老草堂寂寂松桂生溪山四時供醉吟未  
必翛然便忘世新詩時亦過雞林

靈壁石

十年此地征塵染誰與山川還舊觀九華小樣出君家  
要續箇中消息斷此郎與山對立玉几上重重見陵谷  
安知可備宮架懸樂府待之八音足他山豈無石一拳  
如琮斷方璧斷圓不如此峯真巧具六窻七竅俱天然  
君今落帆錫山近挈石尋泉了無恨會湏漱石更枕流  
世事入門君勿聽

讀李長吉集詩

唐家諸王滕薛親官府白日生風雲此身豈患財不足

安用盈車載錢緡飄然後出有長吉冰姿鶴骨真天人  
錦囊不貯一箇錢收拾眼中無盡春世儒強作富貴曲  
刻畫無鹽恐非真請看卷後將進酒酩酊一句了伯倫  
李宗系出玄元孫玄元稱帝李稱臣玉樓無人可作記  
應須此子當此文從來不解進士語多謝昌黎為解蘇  
藥名七夕行

雲旆萎蕤霞作裾風靜半天河有無同槩夜結合歡帶  
織女新嫁牽牛夫古今此會從容少百合未諧甘草草




預知仔細屬明年續斷猶勝弓弩絃

謝賜御書臨晉唐帖三軸

上帝圖書照東壁宸毫作字同羲畫晉唐舊帖久氣索  
數本僅收煨燼厄硬黃小試毛穎功手蛻千年垂露蹟  
巧偷豪奪幾蒼黃晚御清都顏咫尺鍾王行草日失真  
神氣頓還三昧力諸天護法宮殿深九虎守關雷雨隔  
那知分賜下人間螻蟻微臣亦懷璧恩均揭榜誇玉堂  
事陋登床攫飛白欽惟聖學自天縱嗜好從來屏聲色

青規文字屢策勲沾丐椒房猶翰墨彤管搗筆侈珍貺  
寶唾落牋留小刻從今不愧葦屋空會有虹霓光四塞



欽定四庫全書

集部

東憲集卷三  
四

詳校官庶吉士臣翁樹培

侍讀臣孫球覆勘

謄錄監生臣張曾壇

謄錄監生臣范維城

欽定四庫全書

東窗集卷三

宋 張擴 撰

五言律詩

挽徽宗皇帝詞五首

假樂興周治無為見舜心  
七朝傳遠業十閏紀功深厚  
澤淪肌骨隆名秩古今丹成自仙去黼扆不重臨

甚盛帝王德不言天地功  
皇圖光永泰聖祚紹元豐  
化被要荒外民躋富壽中  
如椽誰秉筆炳炳詔無窮

制作躋堯禹規摹陋漢唐方丘排異議晟府煥新章睦  
族民歸厚臨雍國有光奎文連五閣輪奐儼深藏

內禪超千古恭聞脫屣輕勳高終不伐道大自難名玉  
几音疑在橋山兆已成九重興舜慕悲泣見牆羹

風伯開塵霧神符八駿游壽堯方請祝歸啓已興謳萬  
里忽清宴五兵終罷休他年北邙路王氣接天浮

挽顯肅皇后詞五首

珍符開瑞璽象服備禕褕德盛儀千載名尊母兩朝流

風厚麟趾騰馥播桃夭羽衛今何處雲深慘莫招  
儷極承平日徽音盛一時却奢崇大練納戒上清規事  
逐浮雲變人驚夜壑移三吳謠織女行路劇傷悲  
寶殿開寧德彌文更日新儉勤垂壺則慈惠配皇仁脫  
屣堯何聖補天媧亦神傷心東越路畫翼暗龍輶

箴圖高警戒風雅妙形容寶訓聞欽聖徽名並顯恭宮  
車陪素仗園寢祔新封絕勝昭靈后空歸浣水蹤

莫狀憂勤意猶存澣濯衣私恩絕外第遺愛在深闈歲

晚望重翟路長迷六駝蒼梧從舜陟終陋兩湘妃

挽懿節皇后詞五首

丰容騰偃月骨相本天人  
潜卽恩輝舊中闈典冊新夢  
猶驚鷺璽光已揜鈎陳  
不忍瞻行殿蛛絲網暗塵

作合神明主中興欲佐周  
友琴懷素志脫珥謝前行  
續姜任懿名方馬鄧優百年  
雖電掣千古仰芳猷

內治推炎宋名參列后賢  
若為憂國步遽報損天年未  
暢關雎化空騰煒管傳六宮  
遵舊訓女則有遺篇

公桑分婦職春種劬農耕不到升平日終乖輔佐情  
蒸嘗開別廟謚誅紀徽名悽愴鴻溝路空餘萬歲聲

萬里歸輜輅僊遊迹已遐猗蘭成斷夢素柰墮空花  
隨卜稽山下輶移浙水涯晚風纏落木悲咽和哀笳

悼程西樞母朱夫人二首

天性敦慈惠凝然法度中談玄推道韞擇配得梁鴻  
壽嘏無前擬安榮及令終傷心原上路哀鐸咽霜風  
有子登巖密人高孟母慈珍羞五鼎養象服小君宜未



厭斑衣樂俄嗟泣露悲百年無少憾千古令名垂

悼主簿弟

吾家幾兄弟君自老相依每憶離亭別俄傷旅櫬歸新  
銘聊記遠舊話總成非舉目蒼茫路潸然淚滿衣

悼次東提刑姪二首

彊學初無敵臨民早有聲暮年猶補郡餘事及談兵慷  
慨聞高誼艱難見老成蓋棺今已矣百世漫空名

妙手剝百節劇談翻九河人皆期晚用君更患才多世

路方榛棘人豪正網羅重泉無日起天意定如何

夫人江氏挽詞

早歲親香火心通悟宿因宜家稱孝婦擇配得名人秩  
秩方貽則冥冥忽返真獨憑高士筆諄復誌蒼珉

夫人周氏挽詞

夔彼名家女休聲配孟光齊家先祭祀盡禮奉姑璋未  
竟百年老空流奕世芳傷心理埋玉處馬鬣表深藏

悼頤中朝散兄

韜玉無人識，佩蘭空自芳。  
娛親終一世，好善被諸郎。  
夢短催駒隙，聲哀斷鴈行。  
英魂招不得，松檟護崇岡。

用文之歲暮言懷韻

歲事潛占雪，風光暗著梅。  
有書招隱去，無地避愁來。  
廝役聯裘馬，英豪困草萊。  
誰能知許事，得酒斝如雷。

文之暇日作詩戲用其韻

古事費尋檢，近詩關謗傷。  
掉頭無好語，結舌自良方。  
風露挾秋意，簾幃生晚涼。  
傳聞市南米，漸可補饑瘡。

射亭詩

采鵠面危亭鉤然中的聲將軍三箭勇男子四方名刀  
斗中原靜車書遠塞平雕弓今罷賜何日報功成

賦向伯恭侍郎薊林

矯矯子平喬聲名晚益高歸休卜僊隱題品妙宸豪小  
徑荒松菊空庭長艾蒿閉門便午枕餘事九牛毛

焦復州適道於艱危中與其兄遇於三衢自云  
嘗有異夢神明之感叙其事屬予賦詩

南渡不忍說流離  
簪與裾蒼黃一臂失  
辛苦萬金書孝友  
劇調護神明  
關起居不須春草句  
好夢自蘧蘧

題荷亭詩

風漾綠漪連新荷  
照水圓清香來洞府  
真色現神仙  
鷺影明如雪  
龜巢小似錢  
夜涼乘月看人在玉壺天

瑞華堂秋晚

山石亂崔嵬  
虛堂面石開  
幽香催檻菊  
疎影轉庭槐  
羽扇驚秋老  
衣砧破夢回  
坐看雲四合  
奔電數聲雷

宿温州江心寺詩

出城何所詣孤嶼海雲中寺影一拳石潮聲四面風  
斷煙迷過鳥密葉墜丹楓咄咄勞生夢真成一洗空

次韻臨江軍向侍郎見寄

江頭一區宅宴坐老揚雄久闊書不到相忘心自通  
誰令知勇退我愧未參同定自有見處不關幡與風

--	--	--	--	--	--	--	--	--

欽定四庫全書

東窓集卷四

宋 張擴 撰

七言律詩

次韻徐端明師川清明見訪小集

撩人春色浩無邊  
多病清羸挽不前  
書舍忽陪金殿客  
花時猶記漢宮烟  
翰林劇飲賦千首  
焦遂高談驚四筵  
更著新聲定場屋  
元輕白俗浪爭先

次韻子公舍人姪紙閣用荆公韻二首



清修是藥別無方紙閣新糊暫著床定自中扃元潔白  
直教平地亦清涼布裘衲被總相稱暮雪曉風渾不妨  
似要經營淡生活忽驚鋒穎露錐囊

老楮聲名決四方幘幪隱陋到藜床境空生白道所集  
氣煖如熏德未涼眼底咄嗟貧亦辨世間淫巧行終妨  
只愁費盡螭頭藁却向危時但括囊

再和戲子公

碁局畫行新觸手帳文龜殼淨圍床閣材近取復何好

法意防貪未可涼自此鉛華須痛遣疑於縞素或相妨  
夜闌天女來求法君看如何是革囊

背人阿堵未中方紙閣文書不礙床正似複禪羞北阮  
絕勝斗酒換西涼來詩肯辦十分賞去轍猶關一水妨  
對面更看枯淡在應無兒輩紫羅囊

子公復和亦次韻

我慚問舍未知方君亦依然卧上床有紙遮風良不惡  
無人炙手自生涼應憐佛屋鐘魚近

公寓居  
西林寺

不自官居

屏障妨相去九齡今幾代風流未減笏為囊

昨日規摹屋一方今晨詩卷已填床安知事似蝟毛起  
自覺心如水月涼故紙有緣殊未了紅塵無路畧相妨  
客來煖熱浪自喜斷却來章真智囊

聞伯寓被召

朝廷下詔費搜尋夢想人豪置赤心謹論故應遺藁在  
片言可却四裔侵不應巖野調羹手猶作田廬抱膝吟  
自古忠臣由孝子海隅傾耳聽車音

送李去病駕部成都府路轉運判官

昔年鴈塔看先登我亦行間託姓名  
半世紛紜驚似夢一官潦倒信平生  
含香暫借郎闈寵仗節俄分畫錦榮  
見說餽糧如火急揚鞭馬上試經營

送楊元老屯田潼川等路轉運判官

醬瓿遺文過五經有孫千載振彫零  
曾聞淡墨魁春榜會看中臺應列星  
日下忽頌天語好眼中先著蜀山青  
歸塗更挾兩詩客舐筆磨鉛那得停

客謂西川小漕李去病懷安使君羅

大全也

景蕃暫如無錫不暇相尋於雲間詩來問訊甚

殷勤會予續至江上遂及邂逅走筆奉呈

故人行李劇匆匆猶向重湖遣信通  
七字論懷如對面  
片帆先我渡垂虹  
家田收秣連雲外  
野蟹供螯入手中  
猶及訪君江上去  
夜窻燈火耿秋風

別後一日予獨遊惠山寺酌泉烹茶而去時景  
蕃補葺舊隱將自德興奉親而歸以詩追寄之

并罍絡繹送醞醐總是僧家飲啜餘  
向上誰高康谷品  
流傳恐誤古人書  
暫來刮眼驚尤物  
深羨誅茅葺舊居  
却恐文饒漸多事  
他年乘傳定何如

寄顧景蕃

別時猶記鼻辛酸  
升合妨人未得還  
衲被生春經歲換  
羽書奔電痛時艱  
聞君尚富珠千斛  
許我時窺豹一斑

莫厭僑居坐窮僻  
絕勝戎馬鬧鄉關

景蕃屢  
寄近詩

顧景蕃以詩乞西漢書於子公子公以奏議唐

鑑遺之戲次其韻

腹中圖史自紛綸況有新文似過秦猶訪汲書真好事  
謬憐野鷺定癡人補亡疑是君過計就讀未妨吾卜鄰  
他日兩家俱外府斷編遺簡得終身

次韻顧子美陪方仲兄遊允仲花園後篇簡允  
仲

君看樹頭桃李開化工渾在百花栽日遲未覺堂堂去  
路穩何妨得得來定是撥忙聊慰眼仍須痛飲莫論盃

明朝風雨便狼藉孤負客愁腸九回

怪底主人襟抱開小園千本定深栽不須羯鼓催花發  
却要提壺喚酒來可但撥忙聊慰眼會應痛飲莫論盃  
詩人有戒君知否漸老逢春能幾回

過澱山湖

昨日過湖風打頭葦蒲深處泊官舟近人烏鳥語聲碎  
瀕海風烟日夜浮午飯腥鹹半鮭菜客床顛倒一皮裘  
平生浪說在家好晚向波濤未肯休



次韻汝陰姜丞見示

場屋聲名二十年老猶學易誦韋編作官聊復下簿尉  
得酒或時中聖賢每愧青衫同拜起間從廣坐得周旋  
來詩強欲相推挽短綆無堪浪汲泉

留別汪彥章符寶

蚤歲相親翰墨場不堪遲暮屢參商無錢可辦一日醉  
有目漫同千里光聞道新詩多格律曾從尊酒細斟量  
江南舊隱隣雞犬何日青燈更對床

聽宣麻

十年中國暗征塵  
終挽天河淨楚氛  
謾說星辰猶守彗  
不妨豪傑會風雲  
江頭露布傳俘馘  
殿下絲綸看策勲  
從此削平真細事  
只憂無地錄將軍

得海陵掾呂居仁書

故人溫飽竟何如  
忽寄郵筒滿紙書  
頗愧中年猶吏隱  
相望千里未情踈  
官曹清簡度無訟  
淮海豐穰食有魚  
見說參禪新了了  
幾時為我痛爬梳

聞余元隆被命白衣校正逸書

余郎風姿舊臞儒酒錢不足詩有餘江湖垂老漫居士  
館殿忽詔行秘書從來摸索識沈謝安用科舉輕嚴徐  
須君更平脫鞵氣步穩即到承明廬

招王大初教授飯

聞名早愧昧平生遲暮相看眼更明滿室氛埃不關意  
百年文字要尋盟關河晚闕平安報風露日催搖落聲  
樽酒從予會傾倒莫同兒輩但平平

暮春舟中懷顧景蕃諸友會心堂折花幾至紛  
紜因以問之

流光急急卷春歸寬我都無十日期短楫輕舟餘客夢  
斜風橫雨半花時坐懷同社二三子賸有一番酬唱詩  
誰向海棠花下去不妨重看挽殘枝

曹南官舍懷諸兄弟

舍南舍北百花春不奈揚雄四壁貧與世周旋寧作我  
罷官休去亦由人有家那辦錄僉鬼無用猶堪託社神

準擬他年風雨夜論詩酌酒話酸辛

次韻晁待制喜富季申遷校書

鄭公勲閎似汾陽人物君看同舍郎坐廢衣冠誰論薦  
中興文字亦生光未妨俗子輕薰沐元得詩翁妙主張  
聞說平戎遺策在何時目擊陣堂堂

華亭秋日

陰雲薄薄漏秋輝曉露含光濕翠微  
旁舍擊牛嘗社酒  
荒城搥練給征衣  
淨如掃跡蚊無幾  
多不論錢蟹正肥

定是水鄉差可樂不應潦倒未成歸

吳江舟中

數峯雨後蔚藍青一水秋來鏡面平  
大舶魚鹽通遠近居人菱芡足經營  
雲頭闕月為誰好蘋末涼風時自生  
老矣宦游無少味欲尋張翰問尊羹

書鴈蕩山靈巖寺壁

畫裡兒時見一斑  
竭來老病倦躋攀  
諸峯拔地上雲雨  
萬壑出泉鳴  
佩環圖牒未聞從  
古有鬼神定自破天慳

道人笑我殺風景不辨淹留半日閒

次韻徐師川謝送溫柑

剥啄誰人晝欵扉開緘詞翰見精微不應更覓二王帖  
但要親傳六祖衣陋我分柑慳百顆煩君託意贈當歸  
吏曹政急簿書縛忽奉新詩得解圍

次韻呂居仁主簿過韓存中侍郎所居

文章典雅似班固人物風流如謝安老去謾餘公論在  
退休渾覺壯心闌松窻有月和書照雲屋無檀禦客寒

冷淡且尋詩作活要看雷電敕僊官

和李元叔正字書懷崇字韻奉還所借詩卷

杜陵句法今誰到君自門牆數仞崇未許前人得高處  
間於五字見新功淹留書館殘燈火孤負淮山舊桂叢  
眼看封侯談笑覓絕勝潦倒坐詩窮

歸來軒二首

當年鞍馬踐文場客舍蘆鹽話故鄉不謂休休歸亦早  
未應栩栩夢猶狂輞川花木歲時好蓮社交遊氣味長



便合從君就閒去藜羹麥飯自充腸

不愛虛名式擅場却收餘燄入寒鄉於魚得計絕人事  
翻手為雲小子狂閱世已除三宿戀論詩兼倍百家長  
西風舉扇誰多事君自無塵點肺腸

次韻括蒼太守黃侍御種竹

先生鐵面石為肝不著繁華眼底看近學仙翁誇種玉  
未多楚客解紉蘭穿窻月影蛟虵亂掠枕秋聲風雨寒  
誰信孤根會埋沒賦詩新有老方干

世上風花鬢鬪妍，轉頭誰作一錢看。  
此君抱節真如玉，有客同心臭似蘭。  
密葉自憐秋日薄，孫枝已挾曉霜寒。  
蔓柔草惡宜誅屏，恐向班行犯比干。

送喻迪孺郎中知遂寧府

平時場屋漫聲名，晚下瞿唐信此生。  
萬里不應頻去國，一麾聊復為專城。  
送春杯酒侵行色，上峽家山慰客情。  
坐遣官曹頓牢落，說詩誰復似匡衡。

次韻昌時寺丞姪避暑

眼看平地欲流金暫借僧園數畝陰東帶市朝誰刺促  
閉門松檜自幽深客來幕局時招隱飯罷茶甌快洗心  
便靜乞閒吾有味墻東詩老許同襟

紹興己未七月六日被旨禱雨風水洞七日清  
晨詣祠下是晚大雨通夕留宿慈嚴寺中八日  
始還城

晚謁叢祠意已通妙香來自禁城中老龍聊辦一泓費  
闔境自歌終歲功暑溽不應留枕簟秋聲忽已到梧桐

明朝上馬五十里更乞靈君吹面風

次韻程伯寓司業見寄道舊

雞黍新盟竟未尋  
杯盤舊話更關心  
時危閒喜尺書到  
老去惟憂多病侵  
閭巷小兒俱富貴  
山林處士獨呻吟  
君今雅意在流水  
誰是子期知此音

嘲鵲

抵玉誰家解汝嗔  
定應饒舌誑癡人  
平生作室自拘忌  
晚歲填河良苦辛  
風急未妨翎翮健  
日長無奈語音頻

君看屋上烏元好何用開門延實申

悼余彥敷府判

圭璧溫然席上珍  
廣朝通籍照簪紳  
論文已許詩無敵  
試吏還驚筆有神  
少日功名聊措意  
暮年州縣漫勞人

武林舊話終成夢  
旅櫬空歸淚滿巾

彥敷嘗愛錢塘湖山之勝  
竟長往於

彼

悼叔玠兄

獨抱荆珍價莫酬  
眼看閭巷瓦封侯  
時開黃卷都忘老

晚著青衫已倦遊，不說向空書咄咄。但聞作記戒休休，  
故應手澤未埋沒。合付六丁雷電收。

悼余元夫朝請

廣席談經舊長雄，豁然襟韻古人風。弓刀晚試百僚底，  
部曲默馴三尺中。幕府未聞收劇孟，佳城俄已愴滕公。  
不堪離亂死英傑，所在紛紜真發蒙。

悼子平姪

白恰曾從細柳君，欲提尺箠淨烟塵。聲名便自當敵國，

露布復誰推  
儻人夜半憂  
時長抱膝生  
平急義幾傾  
困  
追傷萬事蓋  
棺了木笏青  
衫負此身

次韻秦秘監山中觀梅二首

天上新駿寶輅回  
看花仍趁雪英開  
折歸忍負金蕉葉  
笑插誰臨玉鏡臺  
女堞未須翻角調  
錦囊先喜助詩材  
少蓬自是調羹手  
葉底應尋舊雨來

莫遣寒林一片飛  
要看編練粲僊衣  
故煩詩伯來傳令  
為勒風師少霽威  
水部五言誰舉似  
孤山一徑久湮微

總輸桃杏快塗抹占定春光不放歸

次韻春雪

春雪欺人轉更豪力如彊弩射吳潮郢人有恨翻新曲  
蜀客無襦憶舊謠戶外莫誇盈尺好沙頭已作淺痕消  
詩成忍凍話年少愁殺衰翁不自聊

送賀子忱吏部福建漕

矯矯中年勇退身尋盟省戶定緣貧風流未用老三徑  
談笑猶堪漕七閩丹荔壓枝收白曬乳芽登焙薦青春



不應例作粗官看下語須防筆有神

送許子禮吏部湖南漕

家傳康濟妙才猷祗合懷鉛近冕旒漫有姓名連省戶  
不妨旌節案南州兵儲自古難為策民瘼於今豈待求  
小試書生肥國手未多地上見錢流

欲出京寄稚子

去時短袖怯風寒春以為期秋未還苦語經年渾不記  
窮愁到處漫相關路從驛底一雙堆家在江南第一山

人事不應頻錯迕，速尋樽酒為開顏。

寄題虎丘宜上人枝巢軒詩

久聞戒淨若冰淵，壞衲團蒲不記年。  
身外一枝聊爾耳，眼中三界自超然。  
可藏妙喜化城國，何異壺公謫處天。  
相見繞床獅子座，未妨居士病談禪。

寄題黟縣舒先生十柳軒詩二首

當年宮殿記風流，濯濯青春破客愁。  
晚覺世間全少味，自從柳下覓歸休。  
嵇康嗜鍛太多事，陶令醉眠終自由。

想見夕陽風軟處亂蟬無數咽新秋

十柳五柳復何為今人古人心要知百年實錄先生傳  
五字格言彭澤詩近聞收秫頗狼藉誰與結社相娛嬉  
我亦江湖漫浪者尚堪束帶向羣兒

次韻朱新仲學士元日會飲館中同舍家

華堂小集壽佳辰好雪縈風上舞茵珠琲相酬元富貴  
綺羅不設自清真近從朱墨生官府便覺方壺隔世塵  
縱許一斑窺妙句亦應寡和愧陽春

寄李天祚屯田

巷北巷南車殿雷，憐渠襟抱向誰開。  
苦無好夢絕江去，合有短書逢鴈回。  
省戶淹留驚白髮，朝廷緩急要真材。  
他年炙手會不免，早賦柴桑歸去來。

春深遣興

深院小亭花藥香，春來無處避風光。  
畦蔬自種兩席許，溪水忽高三尺彊。  
冷淡不妨詩作活，狂歌時以酒為鄉。  
故人南北今誰在，紙尾寒暄未可忘。

次韻譚少卿勝仲懷歸

底用封侯老據鞍如君家世自儒冠初無嫵媚追時好  
但有孤高到歲寒夢入向來招隱處詩成有味付誰看  
援毫欲和愧遲澁八節推舟窘上灘

寄大年者年二姪

漫天白雨欲催詩恰似連床細柳時

細柳軒名

近悔論文多

敗績不關避謗要尋醫才如伯仲世無敵學有本原人  
未知例著布袍隨舉子滿聽危論上丹墀

文之雪霰落硯詩戲用其韻

玄壁無塵中作泓偏宜淨  
几集飛雲柳花可染已無跡  
鵲羽不黔如幻成小試  
桑根猶耿介結為冰面更晶明  
癡兒呵凍為渠賦費盡壺中墨客卿

樓西樞出撫關陝鄭亨仲以秘監充參謀館中  
咸分韻為錢得綸字

關河宣慰尚儒臣賓客仍收席上珍  
便有威名如敵國更分籌畫累同人  
連城簪笏官寮舊夾道壺箒詔墨新

歸日毛錐應好在却從丹禁演絲綸

謁廣濟軍向工曹仲吉

水曹筆力若新硯冷屋無人詩自鳴  
取別未容長草草相看宜合但平平  
百年王謝見人物少日機雲真弟兄  
且向陶丘問消息他時湖海莫寒盟

留別梅和勝侍郎

平日寄聲天一方那知歲晚屢登堂  
百年已負幾樽酒一夜各添新鬢霜  
塵裏若身空歲月筆間應俗漫文章

門庭未覺千里遠，會有書來細作行。

次韻張無隅送烏髭方與人并寄以詩

肘後仙方舊著名，知君學道得長生。  
燒丹自秘砂銀訣，染白聊分草木英。  
兩鬢尚須并檢校，二毛應覺頓神明。  
他年莫向玄齡問，李緯猶堪老作卿。

送彥材姪還鄉

朔風吹雪冷侵衣，過我山城歲暮時。  
每歎吏曹長縮手，會從樽酒得伸眉。  
笑談疊疊未更僕，行李匆匆還語離。



莫厭吾家窮事業囊中好在幾毛錐

簷水

歷歷排簷定琢成小庵睡起眼初明  
葯翁收乳得鵝管  
天女墜釵懸水晶脫手不供時把玩  
怯風終作淚縱橫  
老頑不辨劉叉句聽盡寒堦斷續聲

筍

披籜游龍破地皮浪將頭角長孫枝  
渾疑鐵騎旌戈曉  
如趁玉班宮殿時羊酪蓴羹真謾語  
河鮪荻筍彊相宜

無人會得叢林趣盡屬此君惟我知

再次筍韻

羽獵誰尋狐貉皮空林失箭已千枝遙聆春晚斧斤響  
不到歲寒霜雪時喜有齋熏延上座愧無椽管付師宜  
平生漫作漢宮妾十指許長君未知


次韻子溫偶書

門外溪光倒碧山憐君終不厭身閒直須掃跡利名裏  
却要策勲文字間洗耳時傾高士論轉喉莫犯貴人顏

百年總是一抔土且乞餘生隱市闕

晝寢

翠簾輕紈腹果然午風吹夢入湖邊竹奴不語專新寵  
水厄無功罷宿烟却要降魔時讀易未須盤膝彊磨甑  
誰人妙解老韶訣心印傳來不記年



欽定四庫全書

集部

東憲集卷五

詳校官庶吉士臣翁樹培

侍讀臣孫球覆勘

謄錄監生臣范維城

謄錄監生臣卞爾巖

欽定四庫全書

東憲集卷五

宋 張擴 撰

七言絕句

天柱峯

神人斷鼇立極處一柱至今餘尺度  
摩挲歲月不可窮  
會見女媧曾手補

展旗峯

何年隕石化蚩尤髮鬚光芒動九游  
厭亂無人識天意

濃雲若霧沒高秋

大龍湫

巉巖石壁倚天開  
何處蒼龍噴雨來  
海上秋田半焦槁  
不應澗谷但空靄

石門瀑布

胷中頓有兩龍湫  
晚向塵寰得勝遊  
定是伏龍思遠客  
賸分一派洗窮愁

天聰洞

危梯百級面天聰  
路逼青冥似可通  
著脚未平身已墮  
神仙窻戶漫玲瓏

漫成

人聲乍寂鳥聲樂  
書舍旁通僧舍幽  
行盡人間硤确處  
吾廬自好更何求

暮春絕句

飄盡杏園紅  
白株祇留芍藥殿  
春餘不堪風雨夜  
來惡地上又多枝上踈

地上殷紅錦作衣遊蜂百匝繞空枝滿園綠暗鶯聲老  
正是一年春盡時

背人春日去堂堂無賴春風有底忙便好單衣裁白紵  
青天露坐試新涼

次韻曾徽言學士立春六絕

僊家庭院立春朝不記僊翁幾種挑共祝風光還上苑  
釣天絲管換弓刀

剪綵沾酥頃刻間開花不受雪摧殘誰人試手爭春巧



定是僂娥下廣寒

古縣鞭牛吏謹時老農分喜上  
顰眉東皇一例扶衰朽  
不獨故園桃李枝

青絲行菜手纖纖  
璣面鵝黃照舞衫  
蕭寺館君歸未得  
杜鵑應合口如絨

麗句從君筆底翻  
旁觀但合把降幡  
承明何日供春帖  
字字堪回玉色溫

野人破衲度窮冬  
枕上餘寒散曉風  
春事苦無關我處

茶烟藥白了龜蒙

次韻石倅喜江令禱雨有應三絕句

枕詞新沐管城枯夜啓天門玉鑠魚借得豐年三尺雨  
此郎那解世間書

蟄龍水底未全枯睡穩終慚點額魚聊為蒼生一伸肘  
陰功何待玉函書

藜莧搜腸老欲枯年來冷釜已生魚三錢斗米待明日  
預辦平原乞米書

山居四首

春泥滑滑封行路  
春水溶溶沒野蔬  
獨坐不愁無酒飲  
林間山鳥自提壺

溫風習習送蠶老  
曉日瞳瞳催麥黃  
新笋已添千箇竹  
綠萌初遍數畦秧

山腰老檜結纓絡  
石眼飛泉鳴珮璫  
午夢悠悠誰喚覺  
竹風時借枕衾涼

誅茅結屋方丈澗  
買酒澆腸升斗慳  
古寺隔林人闕寂

祇傳鐘梵到山間

題枕流軒詩四首

世間無路不榛荆且枕清流巧避名俗客若來休舉似  
恐渠笑倒斷冠纓

誰酌貪泉計已疎但知辛苦立廉隅君今樂水自智者  
未用休官乞鑑湖

坐有談玄墨客卿家無銅臭孔方兄夢餘更聽滄浪水  
洗盡微塵見太清

詩老詩如冰雪味後來和者得分甘從今客耳亦清淨  
只合高吟當劇談

舫齋

曾得操舟三昧功浮家不借一帆風鱸魚如雪酒如玉  
宛在五湖春水中

與客爭慕容有所負坐人以目無解圍者客怒  
甚而去作詩戲之

不論別墅自心降風急西南勢轉忙那辨旁呼白鸚鵡

坐看豪奪紫羅囊

用文之韻賦巖桂

葉底倒懸香作團  
鷲黃新染色初乾  
晚秋風露易搖落  
合屬幽人仔細看

昔年曾賦道邊花  
歲月侵尋鬢已華  
衰病不堪無好語  
却憑三嗅作詩誇

次韻允中大夫兄秉燭看海棠

從公燭下看花枝  
直到海棠花睡時  
恰似玉人春枕穩

溫風吹酒上凝脂

次韻謝李簿送白牡丹

攀玉花頭取次妍  
鞞紅從此不論錢  
如何未入明皇夢  
已醉高吟李謫仙

清香

北苑珍膏玉不如  
清香入體世間無  
若將龍麝污天質  
終恐薰猶臭味殊

宣城乳梨味珍  
或謂性寒養生所忌  
輒勸踈之

子因為作詩歎其不遇

開花曾作雪續紛花去還供飢座珍誰向醫門書下考  
便防蒸食墮癡人

次韻子溫惠雙井茶二首

雙井昆仍分不踈渴中曾起病相如策勲未有涪翁語  
浪說繙經到石渠

不減建溪官焙香飽樽汲水自煎湯未應重為麤官屈  
定自詩情合得嘗



觀茶

鎮西不入未為屈坐上臞仙眼如漆平生陸羽彊著語  
不叙建溪誰第一

均茶

密雲驚散阿香雷坐客分嘗雪一杯可是陳平長割肉  
全勝管仲自分財

羅茶

新剪鷺溪樣如月中有瓊糜落飛屑何年解后紫霞仙

肘後親傳餐玉訣

碾茶

何意蒼龍解碎身  
豈知幻相等微塵  
莫言推鈍如幽冀  
碎壁相如竟負秦

水簾谷

洞中宮闕玉層層  
山瀑供簾似織成  
素額長垂雲為掃  
瓊鈎欲掛月還生

拂雲橋

誰重淇園百世孫  
青青枝葉暗連雲  
能詩外監亦清苦  
結屋鄰橋配此君

汲泉

古寺僧囊見水經  
未貪飲菊學長生  
擢船且向南零汲  
欲試高人識鑒精

澹竹

誰解香根一種寒  
試嘗炎帝作朝餐  
余生倘遇裨襟渴  
一任清涼露肺肝

漫成三絕句

蝸涎行窻篆詰屈荷葉瀉露珠淋浪朝來危坐笏挂頰  
亂雲橫山如許長

銀盃厭世已僂去春草催詩尋夢來日暮砧聲擣衣急  
夜涼月色挽船回

三館贅疣終罷廢叢祠甲乙例推遷斗升似綫當復續  
冠帶如讎莫近前

戲成二毫筆絕句

包羞曾借虎皮蒙筆陣仍推兔作鋒未用吹毛強分別  
即今同受管城封

